



112 533

## QVÆSTIO MEDICA

QVOD LIBETARIIS DISPUTATIONIBVS

MANE DISCVTIENDA

IN SCHOLIS MEDICORVM

Die Iovis 10. Februarij.

M. ROBERTO RAOULT, Doctore Medico, Præfide.

*Est-ne imperfectus qui Astrologiam ignorat Medicus?*

## I.

NON una est ætas inventarum ad hominis utilitatem artium; nec unius ætatis ea perfectio, quæ artibus paulatim accessit. Hæ, veluti naturæ simiæ, jam eam primâ sui origine imitabantur, & à levioribus rudimentis sensim sine sensu ad umbilicum experientiæ & rationis ductu pervenerunt. Atque licet Medicina artes omnes nobilitate longè antecederet, ac principatu; hanc tamen cæteris, non secus ac Principem subditis, æquavit nascendi conditio. Erat olim paucarum herbarum scientia, quæ rudis ferè & iners, aut sistendo qui fluere sanguine, aut vulnere obligando nequidem balbutiebat. Verùm assiduâ humanæ infirmitatis curâ, & variorum præsidiorum usu crevit ad concinuum, suisque omniibus partibus absolutam artis constitutionem. Caveto deinceps ne, quemadmodum Rempublicam plurimæ leges, sic divinam artem infamare videatur præceptorum multitudo. Vana & superstitiosa sinxerunt, qui Planetarum nomina, seu numina, neglecto sapientiæ cultu venerantur. Cum tò potiùs omnis Medici ratio esset referenda, ut is certam haberet perspectamque non modò sanitatis, cui unus studet, notitiam; verùm & hominis quem curare, & instrumentorum quibus uti debet ad ejus tuendam, aut restituendam valetudinem. Neque profectò longius excurrit tanto labore conquisita reliquarum artium, Medicinæque perfectio, solâ nimirum finis, subiecti, ac

mediorum cognitione metienda. Qui eam animo complectitur, prudenterque in usum adhibet; is licet astrorum vias ignoret, cœtus, ac discessiones; perfectus tamen habebitur medendi artifex, tam Medici Senatus, quam ipsius veritatis iudicio.

## I I.

**Q**VISQVIS Hippocrate delicatior veterinariam Medicinæ partem dedecori ducit & injuriæ, hominis studium in se de Mulo-medicinæ contemptu accendat. Statim intelliget Medicorum consilia aspirare ad sanitatem, in omnium animi, & corporis functionum integritate positam. Servari solet elementorum, humorumque quibus constamus congruenti moderatione; violatur excessu. Nemo itaque sapiens de Iovis, aut Veneris stellâ cum Lunâ conjunctâ cuiquam nascendo gratulabitur: sed de legitimâ sanguinis calidi, frigidi, humidi, siccitatis temperie, ad hominis munera strenuè, & alacriter obeunda. Hæc tantò felicius præstabit, qui bene est à naturâ temperatus, quantò perfectior illi contigerit singularum corporis partium delineatio, delicatiorque earumdem sibi invicem coherentium unio. Atque ut omnem conditionis humanæ cognitionem capiat Medicinæ studiosus: attendet quo humore alitur & perfunditur unaquæque pars corporis; qua facultate, quo spiritu, quòve gubernatur caloris nativi imperio: quibus denique usibus destinatur, & officiis. Id verò studij genus non aliâ ratiocinatione magis perficitur, quam sedulâ rei Anatomicæ inspectione: in qua quidquid novum audit, non idcirco novitatis odio statim plectendum: erit forsan naturæ cœvum. Næ! incredibilis potius quædam esset novitas, si nemo unquam ægrotaret. Erit igitur diligenter expendendum, quantum à naturæ legibus deflectunt morbi, vitiatâ, in quâ unâ nitentur hominis salus, temperie partium, conformatione, & unionem: eorum causæ, non cælestes, sed internæ ponderabuntur; ingruentiaque humorum, non siderum malignitate symptomata; ut, si affulget non è signifero orbe, sed ab ægrotantis statu petitum indicationis sidus, plures ex armamentario medico depromantur machinæ; quibus labefactata humorum partiumque temperatio emendabitur, structura refarciatur, renovabitur unio: ac teterrimæ corporum, & plerumque animalium ægritudines, vel invito cœlo expugnabuntur.

## I I I.

**A**STROLOGIAM ab Astronomiâ distinxerunt, qui siderali scientiæ navant operam. Hæc, ne Medico quidem indigna, de astrorum motu, numero, & mensurâ tam certò differit: quam illa negotiosè nihil agit, dum vehementiùs extollit miras in nos siderum, cœlique vires, seu ad optimum corporis, animique robur, seu ad certas Medicinæ faciendæ leges. Verùm apage genus illud Æruscatorum potentibus infidum, sperantibus fallax, quod hominum vitæ, immo & fortunæ, omne ab astris beneficium pollicetur, vel minatur exitium, Nec

atque inania plura infanendi præcepta peperisset, quàm medendi! Cælestes illi orbes in quos suspicimus loco, motu, luce, ac figurâ diversos, quatenus unius ejusdemque sunt naturæ participes, communi officio publicam gerunt totius mundi, nedum unius hominis curam: quâ spoliari nunquam salva sua majestate possunt, ut unguibus ressecandis, tendendisque capillis præessent, aut purgandæ vitiosorum humorum cloacæ. Ita-ne perfectus Medicus Cælum ipsum stultitiâ petet? quod perfectissimum cum sit omnium corporum, luce fulget sensilium qualitarum perfectissimâ; cum supremum, summâ valet movendi potestate. Vnde ad communem salutem certatim conspirant cæli siderumque motus, & lux eminenti quadam prærogativâ rerum omnium virtutes complectens: ut alter longè latèque diffundat ex alterâ profectum calorem penè vitalem: cuius vigente commercio mirum in modum recreantur omnia, cessante intereunt. Neque eam ob rem innata unicuique rei vis agendi, & facultas cælo astrisque referetur accepta, sed potiùs singulari ejus naturæ & internæ ex elementis constitutioni. Cur enim sub quovis stellarum statu gleba descenderet, ascenderet flamma? cur leo ex leone, homo ex homine gigneretur? Et Sol astrorum princeps, ac cælestium omnium Epitome neutrum unquam nisi ex proprio semine procrearet, cujus temperies ad fecunditatem multò magis pertinebit, quam ulla cæli facies? Adeo necesse erit Medico rerum effectus cognoscere proximarum causarum, & qualitarum interventu; ut nimium curiosa cæli cognitio non modò inutilis videatur, sed etiam illius perfectioni nocitura, qui hominis naturam intelligere vult; & remediorum, sanitatisque modum tenere; quò tandem spectant omnia saluberrimæ artis momenta.

## I V.

**M**EDICVS Astronomiæ peritus observare potest vario Lunæ circuitu res mutari, annuâ Solis conversione variari tempestates, & nonnullorum astrorum exortu vel occasu anteveriti, denotari, claudiri: necdum bonæ menti decoxerit, quin priùs celebret inaudita aut odiosa veteribus Philosophis Astrologiæ mysteria: quibus initiari ferè desipiunt. Vt enim quidam olim 1667. 1671 Deum alium esse boni, alium mali autorem desendebant, sic illi Planetam, è cuius variâ cum zodiaci signis, & ceterisque stellis conjunctione, oppositione, triangulis, quadratis pendere volunt diversam hominum vitæ, & valetudinis rationem: nec non aliam atque aliam fingi variâ cæli affectione; in quo plurimas stellas quasi diutius errantibus domos ædificant, ut Solem, qui vita est, & cor mundi, in eadem domo cum morte extinctum dormire quis credat? Hæc scilicet opinio experientiæ & rationi adversa, solo nocendi artium fundo concepta, vix suo fautori constabit, cui varia sunt, aut ignota Cæli systemata: & pro præcepto liquet plures esse stellas quàm vulgò dicuntur, pluresque hodie videri quàm olim. Vnde vix scirent Astrologi, quid forma Cæli suis astrorum globis ornata conferret ad

hominis temperiem, conformationemque partium gerendis animi & corporis muneribus tantopere necessariam. Gignit quidem cum elementis primas qualitates; pruinas, ventos, nubes ex disparili aspiratione terrarum, aut si mavis cum singulis rebus omnia; sed suoapte ingenio nequidem morbum. Si quid in eo portentosum enascitur, id Cælo monstris jam pleno tribuere, nec acti aut humori spurcissimo; hominum est fabulas fabulis tam stultè accumulantium quam qui naturam faceret monstrorum parentem, aut è zodiaci figuris Geminos superioribus artubus regendis præponeret, & inferioribus Pisces vel Aquarium. Turpius ne dictu an insulsius quod fiderales Mystagogi vel cælibis capiti præfigit Arietis cornua? Scorpi pudenda virginis curæ committunt? Quorsum præterea novos comminisci menses ad Crisium forentem, cui promovendæ quovis morbi die, non minùs quàm optimæ sanitati sufficit calor nati humorumque indoles. Mitior de Tyranno principem faciet, fetocior de principe Tyrannum. Est ubi Saturni tarditatem accelerat, furores Martis, Venerisque libidinem coërcet. Est ubi lenem Iovis animum exasperat, defultoriumque fixit Mercurium. Alius meditatione & exercitatione, alius arte, & Medicinâ astrorum invidiam superavit. Quippe instituendis hominum moribus & curandâ valetudine doctrinæ studium, situsque terrarum Lunæ tractu potior, Hippacum denique Cælo multum antecellit. Afficit enim corpus, suisque qualitatibus immutat. Contrâ verò si ab ambientis aëris, rerumque temperatione siderum vires dividis, nec purgationi adversabitur Canis; nec Arcturus Autumnum distinctiùs denotabit, quàm decidua ex arboribus folia,

## V.

**I**TAQUE si vis medendo decipi, habeto sideribus fidem; egotibi nullam habebō, licet aliquam nautis, & agricolis ex nube, vento futuras temporum calamitates prænunciantibus. Qui morbos ex astris prædicit, vel felices infelicesque eorum exitus, ac molliora medendi tempora; is ignarum se proficitur viæ quâ Asclepiadæ ad præcipuam artis laudem contendebant. Aegritudinem enim virium robore collatis signis componebant, antequam decernerent an cita mors, an victoria læta maneret ægrotantem. Si verò morbus furit, accenso per universum corpus sanguinis, & spirituum incendio; num ad id restinguendum pluvia è Cælo invitabitur? quin potiùs ut inflammatis ædibus ejectâ quæ flagrabat materie; sic ardenti corpori succurritur largâ flammatis sanguinis missione. Tanto præsidio nulla non favet Cæli descriptio, modò vires ferendo sint pares, respondeatque morbi vis, & vasorum plenitudo. An quia Luna quadrato aut opposito aspectu Solem intueretur? An quia non cum Iove congregitur aut Venere, sanguini parcendum erit, qui mox unico ictu animæ arcem, vitæque propugnacula elidet? Aëris nec Cæli varietate fit ut alia Tusculi, alia Romæ sæpe eo-

dem tempore eveniat tempestas, sic dispar hominibus eodem die, eodemque in loco, corporis valetudo ex mutata humorum temperie unisecunda, alteri adversa; nec utrumque pari cura excipit Medicus. Hunc algido Cælo torpentem placidiori tuetur foco; illum nephretico dolore cruciatum balnei solatio lenit. Dic quibus in terris, & eris mihi alter Medicinæ inventor, membrum sua sede motum viribus astrorum reponitur, grave aliquod vulnus sanatur absque medicâ manu! Quid? Si Gallica hyems non pleuritidis, peripneumonix, ventrisque ardorem minuit, immo plerumque augeat, refrigerantium usu interdiceretur ægris quia frigent sidera, vel cælestes pecudes reclamant? Ac demum si humor morbi parens assiduis naturæ curis mituit purgantium medicamentorum stimulis foras è corpore abigendus; quid opus Lunæ potiùs quàm Sennæ nuncupare vota? vel Saturni Martisque cum aliò Planetâ conjunctione à purgandi proposito deterreri! Quasi verò ad catharsim lorum potiùs non inspiceretur quàm astrum. Videlicet quemadmodum alio atque alio Cæli curvamine hominum corpora quotidiano alimentorum usu reficiuntur: sic à morbo liberantur ope remediorum, non consultis sideribus, à Medico prudenter adhibitorum.

*Non igitur imperfectus qui Astrologiam ignorat Medicus.*

## DOMINI DOCTORES DISPUTAVRI.

M. Antimus le Moine. M. Petrus Legier. M. Franciscus le Vignon, Scholæ  
Censor.  
M. Guido Cressé, Fagon. M. Nicolaus Robin. M. Petrus Legier.  
M. Iacobus de Bourges. M. Franc. Sorand. M. Claudius Germain, Regiæ Po-  
loniæ Medicus ordinarius.

Proponebat Lutetiæ CLAUDIVS BERGER,  
Parisiensis, A. R. S. H. M. DC. LXVII.

---

Ex Typographia FRANCISCI MUGUET, Regis ac  
Illustriss. Archiepiscopi Paris. Typographi.